



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

Excommunicationes reseruatae Episcopis.

urn:nbn:de:gbv:23-drucke/s-483a-2f-helmst3

SEQUENTES EXCOMMUNICATIONES RESERVANTVR EPISCOPIS

1. Compellentes Ecclesiasticos ad submittendum ecclesias & bona, seu iura ipsarum laicis.
2. Grauentes & vexantes personas ecclesiasticas, eò quod rogati cum, pro quo rogabuntur, non elegerint.
3. Impedientes eos, qui litigant in foro ecclesiastico in causis, quae de iure vel consuetudine ad dictum forum pertinent.
4. Grauentes vel vexantes eos, qui in ipsos excommunicationis vel suspensionis sententiam protulerunt.
5. Domini temporales interdicientes subditis, ne Ecclesiasticis vendant, emant, coquant, molant, aut alia obsequia exhibeant, vsurpantes bona ecclesiarum vacantium.
6. Exigentes aliquid ab Ecclesiasticis transeuntibus pro rebus suis, quas non negotiationis causa deferunt.
7. Communicantes scienter in crimine cum criminoso nominatim excommunicato, ei consilium, auxilium, vel fauorem impendendo.
8. Vsurpantes Prælatorum Ecclesiasticam iurisdictionem, & eos collectis, aut tributis onerantes.
9. Qui reuocant vel vi, aut metu extorquent à Prælatibus ecclesiasticis libertatem absoluendi, vel pœnas excommunicationis.
10. Impedientes monialium Visitatores in suo officio.
11. Sepelientes in loco sacro hæreticos.
12. Qui in Cœmeterijs excommunicatos publicè, vel nominatim interdictos, vel manifestos vsurarios scienter sepelire præsumunt.
13. Qui scienter in gradibus prohibitis, aut cum monialibus, vel qui in religione aut sacris constituti, matrimonium contrahunt, aut qui inter ipsos scienter huiusmodi matrimonia celebrant.

14. Religiosi, ac alij Clerici personatus habentes, medicinam audientes,
 15. Qui statutis suis vluras fouent.
 16. Religiosi temerè habitum dimittentes, vel ad quæuis studia sine licentia accedentes,
 17. Cogentes virgines, vel viduas inuitas ingredi religionē.
 18. Item, qui earum sanctam voluntatem, religionem profitendi, sine iusta causa impediunt.
 19. Monachi, qui ad Principum curias se conferunt, vt damnū aliquod inferant Prælato aut Monasterio.
 20. Monachi intra septa monasterij, sine licentia Abbatis arma tenentes.
 21. Religiosi, qui ad retrahendum debitores à solutione decimarum aliqua proferre præsumunt.
 22. Bona ecclesiastica alienantes, vel alienata recipientes.
 23. Impedientes legatos, vel nuncios Apostolicos, ne recipiantur, vel faciant ea, ad quæ sunt missi.
- Sunt aliæ excommunicationes, sed quia in his regionibus raro incidunt, breuitatis causa prætereuntur.

QVID AGENDVM SIT EI, QVI HABET CASVS
RESERVATOS.

Adeat suum Pastorem, & petat ab illo, vt sibi procuret facultatem absoluendi à casu referuato, vel casibus referuatis. Et si ipse Episcopus non velit concedere eam facultatem Pastori, sed ipse velit audire confessionem pœnitentis, tunc qui irretitus est huiusmodi casibus, tenetur adire Episcopum, & ei integrè omnia peccata confiteri, etiam non referuata, Quod si nolit Episcopus audire confessionem integram pœnitentis, iniuncta salutari pœnitentia pro casu referuato, remittat pœnitentem ad suum Pastorem, qui ei integrè referuata & non referuata confiteri teneatur.

NOTANDVM.

In mortis articulo possunt omnes à quocunq; excessu, crimine, quantumuis enormi, & excommunicatione, à quocunq; Sacerdote absolui, vbi tria obseruanda.

Primum, vt satisfaciatur iniuriam passis.

Secundò, vt infirmus promittat, se recuperata sanitate, & alijs legitimis impedimentis cessantibus, presentaturum ei, à quo ordinariè & regulariter erat absoluendus, quia alioquin recideret in excommunicationem, à qua fuerat absolutus.

Tertiò, quòd si in illa infirmitate decesserit, amici & hæredes secundum cautionem præstitam defuncti, satis faciant, aut arrestum bonorum defuncti admittant, & indultum sepeliendi defuncti à iudice, qui eundem excommunicauit, petant, & sic defuncti corpus ad ecclesiasticam sepulturam suscipiatur, nisi aliud defuncti delictum de iure vel consuetudine obstaret.

Vt timeatur & vitetur excommunicatio, aliquando docendum est breuiter quid sit, quæ, ac quanta mala efficiat.

EXCOMMVNICATIO QVID SIT, ET QVOTVPLEX.

Excommunicatio duplex; Maior, Minor.

Excommunicatio Maior, vt nomen sonat, est exterminatio extra communionem & societatem Christianorum & fidelium, vt habeatur, iuxta verbum Christi, vel ut ethnicus & publicanus; quare etiam vocatur Anathema.

Matt. 18.
Galat. 1.
1. Cor. 16

EFFECTVS EXCOMMVNICATIONIS MAIORIS.

1. Priuatur fructu & participatione omnium diuinorum, hoc est, sacramentorum omnium Ecclesiæ, & diuinorum officiorum. Quare nec sacrificio Missæ, nec alijs officijs Ecclesiasticis licet eis interesse, vbi etiam ab alijs vitandi sunt, maximè si sunt nominatim excommunicati, vel propter manuum violentiam in Clericum iniectionem notoriam. Licet tamen eis audire verbum Dei, & extra officiorum tempus ingredi Ecclesiam.